

瀋南時論
瀋南徵異
瀋南紀行詩
三種

瀋南叢書第一輯

瀋陽陶明濬著

怨偶

近世離婚之風盛行。原一大可憂之事。夫婦道苦。而家庭之患生。法庭此種案件。無日無之。然以余所聞。亦有大不可解者。女傭吳嫗之子名振者。年二十七。在軍隊充兵。身長六尺餘。儀表甚偉。娶婦于氏年二十一。貌甚娟好。時民國九年。省猶盛行旗裝。梳叉子頭。髮光可鑑。整潔之至。足亦纖小。身修短合度。相處二載。忽以離婚聞。亡內心異之。聞人言。則以吳子在兵營。每星期六一返。其人年少氣盛。又以久曠與婦交。磨戰甚久。婦不能堪。下體偉岸。桷鑿難入。又以其姑在裏屋。婦不敢作聲。次日體倦甚。仍須任井臼之事。因此爲保全身命計。乃不得不出於此云。又余在北京大學。讀書時。有某校某高材生。與友人某至好。不分彼此。一日某生忽異想天開。令其婦。嫁友人某。婦已從之。友人某尤爲得遂意外之望。於是定某日結婚。某生饒於資財。且爲之治妝奩。大張筵宴。召親暱之友人。共賀此舉大家好奇。如期而往。見某生之婦。已著結婚禮服。與其友交拜。某在傍贊禮。無一毫愧怍之色。衆視婦翩翩美貌。某生亦風格楚楚。正是一雙佳偶。不知何爲談笑演此慘劇。人之不近人情。至此而極。而某友人則一蠢夫。狀痴肥。不知彼美何以舍彼而取此。而某生爲此廉恥掃地之爲。果何所得也。後二年余再入平。聞人言某生尙鰥居。天下之大。眞可曰。無奇不有矣。又有一王

某者。亦學校中有數人物。與友人宋某。好至不拘形迹。娶妻某氏。色甚豔。王好之。宋亦好之。王察知其意。乃定一牀三好之盟約。三宿三飛。同出同止。人之見之。面代爲之赧。而此三人者。行所無事。每到開會演說之時。異常激烈。似欲以此種態。爲震懾非笑者之心。作僞心勞日拙。人不可以無恥。關於此人而益信矣。又吾鄉有聶某者。其妻穆氏。聶某年少翩翩。妻亦頗有風貌。結婚之後。愛情甚篤。同在北平讀書。有某女校學生張女。係南省人。嬌小玲瓏。可人之意。穆氏與之一見傾心。訂爲異姓姊妹。往來極密。聶某見而神馳。穆氏曰。子好之乎。吾能爲子撮合之。聶大笑。一日穆氏留張女晚餐。強之酒醉而睡。穆氏導夫入淫之。女確知已失身。向穆痛哭。穆曰。汝能嫁吾夫。吾與汝不分彼此。并無嫡庶之名分。不如此。吾姊妹無論若何之親密。終必有分離之日。子以吾之言爲何如。女感其意。心許之。歸商之其母。母始不肯。以愛女之故。勉強許之。於是聶某乃享盡閨中艷福。以感其妻不妬之故。亦使其自由。妻之初念。本爲此一事。於是與聶某之友人某同宿。其友人在軍界充差。貌不如聶。而身體堅強。夫婦二人。各愛所愛。已八年。不在一牀矣。後友人某。強穆氏與夫離婚。穆氏初不許。積威所迫。不得已許之。聶乃大悔引水入堵之誤。與其婦在法庭爭辦。不許離婚。官問離婚之理由。婦曰虐待。官問虐待之程度如何。婦羞不能言。經三審官以兩造無異詞。不得已許之。一時傳爲笑談。聶某在堂上口若懸河。極有才辦。而以此名譽墜落之相

竟間居於家。一事不能作。人皆惜之。又有哲某者。一貴公子也。妻李氏。貌甚秀麗。夫婦亦甚相愛。後不知何相。竟有意見。一日哲某携其妻至跳舞場參觀。乃強其妻與友人跳舞。妻不許。哲乃怒。曰汝何如此之不開通。妻不得已許之。與人口吻相接。抱腰勾股。哲某在旁大樂。歸而述諸其父。曰媳與人跳舞。不可不出。其父曾掌政權最惡此等事。平日本擬禁之。今乃有此事出於家庭。怒不可遏。立召其媳面詢之。聲色甚厲。妻乃從容言被迫之故。哲在旁面赤。天良所激。不敢作聲。哲父大怒。痛責其子。哲既受責心益忿妻。欲置其妻於死地。會妻有孕。在醫院免乳。哲乃賄醫進毒。醫僞許之。而洩其事於其妻妻聞之大悲。心益灰醫生乃巧爲周防。家中送物。從不送於其妻。慮其被毒也。滿月後。夫婦相見。如路人然。至不交一語。賴其父甚明達。心不直其子之所爲。妻得免於大歸。而夫妻輕易不見面。見面亦不寒暄。人之無情。一至於此。又有李某者。生而乖僻。小有才。貌僅中人。而以天下之美。爲盡在己。父母爲之娶妻。乃不肯與之同床。三年餘。不交一言。妻以憂死。李後在海外留學。心益高。歸而物色意中之人。竟無所合。一班女子。李看不起。稍高尚者人亦不屑與之偶。以至今已三十。尙與牧犢子同其孤寂。而求偶之心。未能一日以釋。萬事不顧。惟以誰家有好女子爲問。人或注笑之。而李勤勤懇懇。口非是無欲言。心非是無欲想。且膠青刷鬢。傅粉。施朱。其心固自以爲美。城北徐公之攪鏡。牆東宋玉之窺人。其心以爲以貌論。吾固不在弟

二流也。未幾果有某貴官。耳食其名。以爲濁世之佳公子。必欲一見之。時李在某校授課。貴官乃訪之於校。僞爲參觀也者。某之所授爲英文。貴友不解。見其發聲啟齒。皆甚爽利。加以西服整潔。鑽紐光輝。觀其金玉之外。正不知其敗絮於中也。貴官有女。愛之甚。女非特不美而已。且面甚長。惜爲女子。不可與諸葛子瑜比美。貴官愛而不知其惡。必欲得一佳婿。有才貌之人。貴官非厭其貧。卽嫌其舊。今一見李。知其留學。心大悅之。乃託憲脩通問。李知女醜而貪其勢心已許之。而僞爲不肯。貴官愈求其允。李乃借此要挾。必與之優差。供給多金。乃能遷就。貴官爲其所惑。一一許之。乃成婚。李雖不樂女之貌。而震於其財勢。乃又僞爲親愛也者。女不知其詐。與之調繆甚至。月供給數千百元。李一一供之賣笑。曰吾失之於此。得之於彼。亦復無憾也。久之居然成一貴公子。不知者。以爲其擁有萬億之資本。其知者。不過丈人峯高。一時之榮而已。不數月貴官。官運正隆。得筭某部。李因此亦得擁有一部分之權。勢張甚。居必亭樓。出必汽車。儼然達官顯宦。李工心計。既得優缺。日有積蓄。於是與其妻。日日反目。不復如從前之親愛矣。會某貴官以賄敗。李依草附木。當然不能存立。好在囊橐充盈。亦無所戀。既歸與其爲仇。從前所忌者。以其父之貴也。今其父既已敗。無可希望。乃旋轉其面目。平日恩愛。一毫無有。日日施以虐待。貴官聞之。亦無可如何。只有浩嘆而已。女不堪其苦。又以體素來弱。胆力亦怯。事事退讓。李相逼益甚。女惟知以

財貨爲自救之具。財已用盡。李又鞭笞之。女乃出其所心愛之二珠大徑寸。泣而謂之曰。吾之所有。已盡於此。可否憐吾素日之好處。而寬我以死乎。李不喜而反怒。虐之益甚。女竟以是月卒。臨死恨恨而已。女卒後。貴官對李。希望已絕。乃轉顏詬之。李心知理屈。且中無所有。亦不敢與人較。平日所爲之過。心亦悔之。自是之後。財之來源已斷。李素性奢侈。一朝處此窘境。大不能堪。不得已思重理舊業。而人知其所爲。多不理之。李曰此乃墮沉無俚。平時豪華。都如一夢。未嘗不思膠續。竟無人。問津。以後不知所終。

奇癖

鄉人有廣某者。其父在清末時爲官。甚有積蓄。廣爲其幼子溺愛之甚。聽其流蕩不加禁制。父歿後諸兄能命令。廣益肆行無忌。年十六。入鄉塾。師爲山東人。好男色。廣習知之。廣故髻秀。好修飾。惟不喜讀書。每背誦則必不能舉其辭師以夏楚挾其臀。則大呼曰。汝扑我。不如龍陽我。意在譏之也。師大怒。責之益急。後廣宿於塾。伺師已寢。乃縱體人懷。師久曠。且投所好。乃爲之續尾。廣殷勤備至。如女之於夫然。師大惑之。從此對其工課。竟不過問。後問柳尋花學問之事。久置之不顧矣。年十八成親。其妻固其親戚中之姊妹行也。久知其行。每每規勸。廣不但不聽。且思牽之入渾水。以關其口。奪之氣。會其姊夫趙某。因在陸軍校肄業。新年拜賀。廣母留住。此

鄉間之習慣。遠近皆用者也。廣乃與其姊夫同榻而眠。趙年三十許。世家子。廣乃媚事之。儼如夫婦。入夜。廣褫衣橫陳。趙初不肯。曰我如此之爲。何以對汝姊。廣乃曼聲曰。理當如此。夫復何怨。趙心動。乃與之狎。終夜纏綿。廣不以爲恥。婉戀過於女子。及天明女傭李嫗進屋掃地。猶見之。李與之有親。責之曰。汝虧體辱親。我將爲汝宣揚矣。廣曰。我行我法。無落吾事。李大駭而走。乃告其妻。其妻責之。廣笑而不言。至夜乃引趙直入已室。伺妻之寢。解其衣。使趙私焉。妻以趙之剛。非其夫之柔一驚而悟。欲責趙。趙曰。汝夫欲之。豈我之志也乎。妻怒視廣。廣笑曰。我與汝共事一人。從此同心一德可也。妻無奈從之。其昏始如此。後廣之所爲。益無忌。一村之婦人。無不爲其所污者。廣多金而性柔。人爭悅之。且爲奇異之裝束。著和服。踏木屐。其母大怒。令雇傭人等擒之。令其兄加以朴責。扶某臂至百。廣不哭亦不怒。但微笑而已。曰。借此可以鍛鍊身體也。母益怒。乃鎖之倉房。以木爲桎梏。自窗隙通飲食。其妻向之哭。廣畧不在意。傭人輩有無行者。夜間私焉。廣曲體受之。不以爲午。七日母乃釋之。冀改其。前行之過。而變本加厲。一無悛心。久之亦只好聽之而已。又使其妻徧與工人私。已薄而觀之。人以爲無恥。已方以爲得意外之趣。後爲巡官以事責鄉警。旣而自悔也。彼人我亦人也。豈可相加如此。乃夜召其人。與之私焉。曰。以償子之辱。曰。不如此。彼必不用命也。人之好奇。至此君而極矣。余在北平。有同學馮某者。年二十許。丰姿颯落。

。而舉止溫柔。學英文專科。頗有造詣。與同學徐君交甚密。始則相狎。繼則相愛。二人初與同學在一宿舍中。因衆目所視。屢干物議。目挑心招。苦不得一露接。一日星期夜。同人等赴前門外觀劇。及他種遊戲。會二人同往。二人以心相照。各辭以溫習工課。堅不肯往。同人以其人能用工。乃不肯移其苦志。布路而去。二人以無他人在側。得益肆其談。花言風語。平日碍人耳目。不得傾吐者。一一得罄其積懷。已而馮生取案上月琴彈之。徐以擾其工脩。止之。馮故不聽。徐乃戲將其推側。按之床沿。始扶其臂。繼作種種形式。馮不怒但相視而笑。徐知其有意於已。於是二人乃議遷居。於銀閘巷之某姓房。花木幽深。石奇而秀。且喜院無雜賓。二人得其所哉。乃求其所大欲。將室內加意修飾。書畫雜列。如閨閣然。二人遷居。住一牀。是夜徐某揭馮生之衾。褫其衣袴。而淫之。馮呻楚不勝。如好女子。徐固偉男。且久曠之餘。黽之竟夕。馮泣求免。不許。乃哭曰。受君輕薄。從此弁而釵矣。願無使吾有前魚之泣。則幸甚。徐誓以天日。謂永不相負。自此之後。二人名則朋友。實則夫婦。所雇聽差某一見其狀。爲人言之如此。馮屢於夜深時。乃爲婦人妝以媚之。紅衫繡履。儼然粲者。徐惑之甚。在校三年。永未回家。視糟糟之婦。固不如子都之美。馮工裁縫。執衽執針。凡徐之衣服。皆手爲之作。無一物之或缺。亦數年不歸。其父母與妻。促之不返。疑其在平。別有愛戀。不肯歸也。豈知其辱人賤行。有甚於男女之相悅也。一日以細故口角。徐某試其意。將撻

之。馮跪而承受。徐乃愛之如伉儷。二人形影不離。雖夫婦不過如此。友人吳君。豪士也。不滿二人之爲。一日往謁二人。見徐長揖。見馮則施禮。請一安。曰。嫂夫人好。言畢不語。若甚客氣。而不敢乎視者。馮頗愧。曰。老吳何故爲此態也。吳正色曰。朋友妻。不可欺。況在嫂夫人前。敢放肆乎。言畢繆爲恭謹。若不解笑者。後徐畢業旋里。馮痛哭失聲。如女子爲夫所棄。而禁寒惜暖無人者。人大笑之。二人愁苦之色。可掬。別後。馮鬱鬱寡歡。不與他友交一言。人謂之童子之貞。後徐以事過其家。馮大喜過望。旣繼舊歡。且更其妻薦枕席焉。人之好尙如此。自古以來。未嘗有也。豈桑間濮上之變風歟。使二人能以道義相切磨。不殊陳雷之膠漆。乃爲此非常之爲。發乎情不能止乎禮。惜哉。

福太守

余年七歲。隨家父赴昌圖查辦博王旗案。是時昌圖府爲福某。其人好奇。似乎瘋狂。而公事未嘗有絲毫之亂。惟見人無威儀。來訪家父。頭戴三品頂戴。以其加按察使銜也。而補挂上蒙手巾一塊。大覆其肩臂。時六月。足不穿緞靴。乃踏二氈鞋。且有皮掌。見面之後。先唱二簧一套。又踞二飛脚。家父疑其輕己。大聲叱之。并擬向制稟訐。福乃大駭。唯唯曰。吾知罪。其隨員曰。敝府有狂易之疾。請勿怒。家父乃怒稍霽。從容議及應辦之事。福甚了然。相處甚得。福乃請父至彼署。開宴相待。陪客有地局總辦。及康平縣。本地士紳等。膳夫上菜稍誤。則袖之以掌。其人不慌。徐徐退易之。其菜無一不奇。

將燕菜魚翅之屬。皆以肉抄之。精華盡失。猶得意揚揚曰。此我之食單也。回邸舍。聞人言。此君好奇太甚。其所用之廚夫。每日必用繩倒懸於梁。福持木刀。作欲殺之狀。畢則賜之錢。厨人畏其勢。悚其利。不敢不從。好在游戲。初無傷損。一日。福又將厨夫懸起。至持一眞刀。光芒逼人。厨夫大驚。旁有一僕。素與厨夫相善。知福之瘋疾又作。乃急將繩割斷。二人皆逃。福亦不追。其昏亂如此。又好微行。一日黃昏時。一人在街衢間走。聞二人論己之爲人。乃竊聽之。一人曰此昏官也。地方有此等官。其焉能好。一人曰。不止於昏。直是一瘋子。瘋子作官。天下奇談。福聞之大喝曰。汝以小民也。誹謗官長。罪在不赦。取道上之狗矢。迫之吞。曰以示薄懲。二人不知其爲福。乃大怒曰。我輩詈渠。乃天下公論。汝何人。乃助討爲虐乎。二人奮起。按福於地。以狗矢納其口中。曰卽以其人之法。還治其人之身。福力不能敵。滿口臭矢。大吐而歸。署人見其如此。無不稱快。又不敢笑福下令捉人。而不知二人姓名。天黑又不見其面目卒無所得。而福之狂。因而稍減云。

狂令

余隨家父在開原城守尉任時。縣官楊令。初到任來拜。身甚短。年六十餘無鬚。衣冠容貌。有足駭者。會面談數語見座旁有刀。乃取之舞。上下翻飛。不見人影。一不注意。將自己之朝珠斫斷。珠落滿地。自知失儀。向父謝曰。見獵心喜。公勿見笑。後以事被

撤。後任官到。乃不肯交印。見制軍。泣曰。某人欲奪我印。今敬呈於大憲之前。印鏗然擲几上。制軍以其狂怒之。竟未參劾云。

新黃梁

余年二十一。病疹幾歿。後服張醫藥。稍清省。漸進飲食。夜間得睡。十餘日間。不知何者爲睡。何者爲醒。一旦于于然。夢穩心安。喜可知也。恍惚間。忽見有人入室。持一函。急起。秉燭視之。則元首自北京發來之函。心且喜且驚。自念我一書生。名不出於閭巷。何因上達總產。慄慄然。啓封視之。則爲元首親筆所書。略謂國家多故。蒙疆告警。宿將精兵。屢傳撓敗。聞君素饒武略。必有佳猷。速來京一行。或參帷幄。或總師干。末語尤懇切。曰君爲鞏固邊陲。奠安國本計。當不能不來也云云。余讀來意。汗流挾背。自問有何抱負。敢膺斯聘。一轉念間。我平生長處。惟在知兵。不但古時兵法咸精其能。卽近日科學戰爭。一切技術。已習之十餘年。某巨寇。豈非我平乎。某兵工製造區所。豈非吾創辦乎。心中有恃不恐。怛然自得。徐徐著衣。出門外。視使者爲何人。其風度儼然武侯之在隆中。甫出房門。卽有貴官數人。肅立階下。見余出。鞠躬行禮。狀極謙卑。余僞若不見也者。問曰汝等來此何事。數人一齊肅然應之曰。奉元首命。遠來奉迓。請卽日首途。以慰軍民之望。余從容微頷之。不肯與此輩多言。恐傷威重也。卽命備車。應者聲如雷。出二門外。則汽車二十餘輛。侍從之多。不可計數。都不

知其何人。亦不知其來也。登車後。電掣風馳。剎那間。已至車站。則滿城官員。久已立候。余下車後。爭來致敬。余略客氣數語。即乘火車赴京。諸官俟車開乃退。余平日所坐爲三等車。此次忽坐專車。板屋新淨。鱸几瓶花。食則海鮮。臥則錦蓆。班生此行。眞無異登仙。平日赴京。恒覺其遲。此次之行。談笑間已至正陽門外。站上接候者。立無隙地。余不知其爲何人。乃從容下車。與衆立談。前立十餘人。似極貴之官。向余道元首屬望之殷。我公來何遲也。余略遜謝。乃至行館。高樓巨垣。儼然王邸。奉侍者。以數百人。稍憩息。即赴府趨謁。白宮之內。戟衛森嚴。自不待言。覲見一如常儀。元首色甚和。垂詢甚久。余乃將平生所學。以全付精神發揮之。元元本本。自己亦不自知。所學何若此之多。而籌畫何若此之密也。元首一一聽受。擊節贊嘆。微露借重之意。余謙謝以書生不諳兵事。不敢當此重任。元首曰。是何言。昔武鄉侯。王景略。王文成。曾文正。皆書生也。吾視君之所學。比古人不足。在今日無出其右者。君其無辭。余不敢再有所言。自念以一措大。荷丈二父。爲國家銘燕然山。乃千載難逢之會。因慨然任之。元首喜甚。即授以征蒙總司令名號。擇日出發。余退出。回邸舍。即有軍事當局。親來接洽。余將方略指授一二。次日隨元首赴南苑閱兵。即日行推穀禮。旂纛旌麾以萬數。軍隊肅立。一望無際。何止四五十萬人。余心益壯。作齊桓公語曰。以此衆戰。誰能禦之。如此攻城。何城不克。於是辭別元首。慷慨而行。出都時。觀者如堵牆。

。有老人指而嘆曰。此陶氏之子。其小時。余與其父交甚厚。視之亦常兒也。今乃若此乎。余聞之意得甚。恍忽之間。已至塞上。大風揚沙。黃磧接天。萬幕羅列。刁斗森嚴。余竊喜。余之將兵。亞夫細柳。不是過也。龍門霸上。何足道哉。忽譟報敵軍大至。且有某國人爲之援。隊多至百萬。余聞之。不但不驚。且反大喜。曰不如此。焉能一鼓殲滅之也。乃夜與二三幕僚。口講指畫。某地伏兵。某地應戰。某地防守。某地驅逐。一一布列。雖古人聚米爲山。畫地成圖。九天之下。九地之上。亦不是過也。兵機決定。傳箭軍門奉令實行者。以千數。莫不慄慄然恐干後至之誅。是日天風肅肅。草枯雲暗。以千里爲一大戰場。余立馬高阜。萬人環擁。數十萬軍隊。莫不銜枚無譁。靜以待敵。俄而大風起處。敵軍已至。隅目高睨。多爲異類。目盱眙睢睢。令人可怖。余乃下令攻擊。一時槍砲之聲。如百萬塞霆。天地爲之晦冥。風雲爲之變色。我軍稍却者。余立斬之。三軍之士。無一不當十。呼聲震江海。已而短兵接戰。白刃如霜。頭軀轆滾。血涔涔滴。合戰一晝夜。敵乃全數殲滅死者積如邱山。虜者以數十萬計。獲其渠魁。則異種人也。身高一丈。腹大十圍。業就縛。曰余縱橫天下。以世界爲無人。今乃敗於書生。豈非天哉。余意得甚。自以爲用兵之神。孫武吳起。亦所不及。曹公太驕。武鄉太愼。文成文正諸公。太有書生氣。若夫衛霍等輩。不過紈袴。奴僕中之僥倖者耳。眞覺前無古人。後無來者。及計收穫之多少。考要隘之遠近。何地設官。何地屯兵。以及全蒙

改省之計畫。傾刻而定。從官請立十丈碑記功。余振筆直書。立談之間已就。問各官曰。視韓愈淮西碑何如。齊聲曰韓何敢望公。不但公文勝之而已。卽論事而已過之萬分彼區區淮蔡。又何足平。且韓紀人之功公日記已功。韓公僅能文。公則文武兼資也。以公比韓。真太山之於邱垤耳。余此時。只知有已。不知有人。亦不辨其語之爲頌諛我也。如調侃我也。銘功叙伐已畢。乃奏凱而歸。威聞所接。遐邇具瞻。反京。元首行凱施禮。飲至策勳。和樂且閑。千乘雲從。貔貅羅列。郡人士女。異音同嘆曰。數十年來。未有此舉也。元首郊勞。優禮有加。授以上將軍職。仍不准解兵柄。並令鎮撫蒙疆。建牙開府。辭不獲已。乃奉命焉。因念古人有言。富貴不歸故鄉。如衣錦夜行。乃請假歸省。元首許之。於是仍乘專車旋反。衛士千人。整齊嚴肅。及奉車站。當局郊迎。平日望塵莫及者。一旦分廷抗禮。自視侍從之盛。警衛之嚴。比之於人。有過之無不及。心竊喜。且從鏡中見。己之容貌已變。長身有腹尺。鬚髯如戟。眞宿將也。當局。與均兩馮。不敢以後輩禮待。且深致難恭之意。曰我公在鄙人屬下。何久而不知。余毅然曰。英雄豪傑。固非常人之所能識。因縱談天下之事。目營四海。口若懸河。當局懔然意下。自愧不如。余益自得。其屬員中。如某廳長余之同學也。且曾換譜。在余不得志時。與之三書。洋洋千言。一月之後。乃覆一書。曰似無問題矣。共五字。余銜之次骨。至是乃低首下心。向余行三鞠躬禮。曰帥座降臨。失於迎迓。請勿罪。余超然不對。某無地自

容。又問余邊疆之事如何。余曰似無問題矣。某乃慚而退。余恩仇分明。大有漢高明太之態度。當局留宴。告辭反第。則親仁之里。千兵侍列。入門則戟衛森嚴。非復向日之門可羅雀者。風亭水榭。曲折千重。粉白黛綠。列屋閒居。意氣之盛。雖汾陽西平。亦不是過。父母妻子均欣欣然喜余之返。正擬款叙家常。忽聞小兒啼聲甚厲。一驚而悟。則一燈瑩瑩依然故我。內聖外王之學。一無所有。從此病若失。曰。人世之真富貴。亦不過如此而已。

今年二月間。余患寒疾。瞑眩殊甚。目之所見。無物不備。耳之所聞。無聲不有。已三日不能安睡。幸遠東醫院張君用藥針施治。乃得稍安。是夕恍惚之中。見有人持一黃紙。若符籙然。上有秘文如龍蛇狀。呼余去。余曰何往。曰到則知之。何待於問。迷惘中不得已隨之。出門西而行。路愈走愈高。頂上星辰。離離可摘。遠遠見金銀宮闕。上出重霄。門金甲神。高十餘丈。形狀威猛。令人望而却步。持符者。爲之先容。乃入。經過布金之地。珠宮貝闕。不知幾許至最後一樓。其上入雲。其正門之門限。高於吾頂。不得入。乃自西門入。其中似廟非廟。蓮台高十餘丈。上坐像。體若純金。高不知幾百由旬。祇見其膝。膝以上。雲氣繞之。威光妙容。三十二相。若隱若現其下諸佛菩薩之屬。以千數。似聞佛講經者。其身體皆三四丈。比之廟中佛像。大有芥子須彌之比。余意佛身如此之巨。其聲音必過於雷霆。耳膜將爲之震破。而寂如不聞。但見花雨繽紛。

紛。請佛頂禮而已。一人如比邱狀。其身比常人略高。其色甚和。持符者。令余向之行禮。其人卽去。比邱曰。吾召子來。以清淨之地。需繙經之人。子文筆尙可。又熟內典。來此供佛指役。不賢於抗塵走俗乎。余曰不可。余之學佛。非有得也。不過獵取詞華。以爲文字之點染而已。焉得勝此任。子其妙選他人可也。比邱不信。乃舉佛義數十端。問。七問而八不答。非不樂答也。不知所答之故。比邱意極不快。曰甚矣子之俗也。容貌俗。言語俗。行止動作。無一而不俗。安得久在此清靜之地。以溷我乎。速歸。無爲佛所聞知。縱其慈悲。恐亦不子赦也。余曰。吾本不來。子強之來。是子之俗。又倍於我。且人而無學問之功。終日叩頭頂禮。以佞佛爲事。其爲人之俗比之於我且又加甚。以子俗人。與我俗士對談。亦固其所。且我士中之不知道者也。汝釋中之不足道者也。同一贅旒。同一附屬。又有何分別。必曰我俗。而子自命爲不俗乎。且我俗人以俗自居。俗之可治者也。子本俗僧。而自以爲不俗。俗之不可治者也。以不可治之俗。而攻人可治之俗。豈無乃不客氣也乎。比邱聞言大不樂曰此人不止俗且太悖戾也。乃推予。身從雲霧中下墜。身不能自立。勿有雲幢羽扇。仙如千人。各執樂器。予正落其旁。車上有人。如后妃裝妙目天容。莊嚴無比。問余能文否。上界將用文士。爲太清之粉飾。余曰能。后試之。余謁所能而拜獻戲后一見大笑。曰才非李賀。不能賦白玉樓也。命侍從推余。顛而墜。下視茫茫。則大海也。方意必與波臣爲伍。乃狂呼。內人在旁喚之。

。乃醒。從此病若失。內人曰。子幸以不材。得全其天年。如子而才也。早成佛昇天。吾尙得與子爲夫婦哉。平生每以才不若人爲憾。至是乃釋然矣。

淫報

邑人有康某者。無正業。性好漁色。惟善烹飪。在省城王姓家中。司爨。王家內。僅一婦人年五十餘。其女年十六。垂髻玄髮皓齒明眸康心豔之。而以身爲人役。女未必注意及之。乃不敢造次。王氏家中。有一女傭吳氏者。年三十餘。年少寡居。意甚落寞。康見有隙可乘。乃故與之親暱。以已有意於女。告吳吳曰。此女貞靜如子者。恐未必當意。康黷之再三。且曰如事成。彼爲吾之妾。汝爲吾之妻也。吳意動。乃佯怒曰。汝太無禮。我必告之主人逐汝。康乃將吳按倒。捫其私。且捉搦之。吳不怒。會有人來。乃放之起。王女每夜必與吳同宿。王女夜不寐。必與吳談竟夜。吳乃以言挑之。曰姑娘如此美麗。而無當意郎君。得無悶殺。女羞不能言。吳乃曰。此人之至情何以羞爲。吾年如汝大。已有私約數人。不似汝枯守空閨也。女意乃動。與吳同枕。私詢男女之事何如。吳見其意動。故意不說。女求之再三。吳乃秘密告之。淫聲浪語。維妙維肖。女情不自禁。次夕吳又爲之言。某姓婦女之風流故事。以誘之。女更不能自持。吳乃曰。一人有意於汝。汝知之否。曰何人。我殊不知。吳乃曰。汝非不知。不肯言耳。其人即廚役老康也。女乃大悟。曰我知之矣。日前我新著繡履。彼乘機捏我之足。我隱忍不言。彼